

Sambüt Pôl Njuäl Ăn Ma Phung Nsing Ta Bon Têsalônîk Rôh 1 Nau bôk ăn bu gĩt

Nơm nchih sambüt dja rnha Pôl, păng nchih sambüt dja klăp lah ta năm 51, klăp lah 18 năm jêh Brah Yêsu dâk rêh.

Ma sambüt a êng i Pôl nchih dẫn uánh ta sambüt Rôm ta nau bôk ‘Sambüt Pôl’.

Bon Têsalônîk ta bri Masêdôn, nar abao dja jêng ta bri dak Grek. Bon Têsalônîk ngai oi bôh bon Philip, klăp lah 130 kilômet lah hăn sông. Jêh Pôl mboh nkoch nau mhe mhan ueh ta bon Philip, păng hăn đong ta bon Têsalônîk, mboh nkoch nau mhe mhan ueh ta bon này klăp lah ta năm 50. Jêh păng lôh bôh Têsalônîk này, mâu ôh ir jô, păng đã nô Timôthê hăn khôl phung nsing ta bon Têsalônîk (1Tê 3:1-2; Kar 17:1-15, 18:1-5), jêh ri Pôl hăn jât năp jât tât ta bon Kôrintô, Timôthê sât bôh bon Têsalônîk này mậ Pôl ta bon Kôrintô. Jêh ri Pôl nchih sambüt dja gay ma plơng ôh nau ôp abă i phung nsing ta bon Têsalônîk lể ôp Timôthê.

Nau ếch ntrông ta sambüt dja

Ta sambüt dja Pôl n'hao nuih n'hâm phung nsing ma Brah Yêsu ta bon Têsalônîk ăn gũ nập ta nau nsing, bol lah geh bu jan jêr yor ma nau khân păng nsing này kađôi. Khân păng mân lah Brah Krist mra plờ văch nôk khân păng hôm gũ rêh ta neh ntu dja, khân păng ndrôt hih rhôl, yor ma say geh bunuyh khât ta phung khân păng, ndri khân păng ôp Pôl ma nau Brah Yêsu plờ văch (1Tê 4:13). Jêh ri Pôl plơng ôh nau khân păng ôp abă ma nau Brah Yêsu plờ văch ta neh ntu dja, đđap ma plơng ôh ma nau

khân păng ôp moh bã nau geh ma bunuyh khât ê lor ma Brah Yêsu plở văch ta neh ntu dja. Jêh ri păng nchih đổng bunuyh i nsing mớ m dâng tâm di nau gũ rêh ta neh ntu dja.

Mbớh nau khlay ta sambũt dja

- Nau ôp ueh lăng (1:1)
- Nau lah ueh, ndrel ma nau rnê (1:2-3:13)
- Nau nka h ăn gũ rêh tâm di đah nau nsing (4:1-12)
- Nau ntũm nti ma nau Brah Yêsu plở tay (4:13-5:11)
- Nau nka h êng êng (5:12-22)
- Nau ntĩnh n'glẽ dũt (5:23-28)

Nau ôp ueh lăng

¹ Sambũt gáp Pôl nchih. Gáp, Silas*, ndrel ma Timôthê, pe nuyh hên njuăl ăn ma phung nsing ma Kôranh Yêsu Krist ta ãon Têsalônîk, i gũ ndrel Kôranh Brah Bở bân nóm, ndrel Kôranh Yêsu Krist. Dăn Păng ăn nau ueh, ndrel ma nau đăp mpăn ma khân ay may.*

² Hên lah ueh Kôranh Brah bãbớ ma dâng lể khân ay may, hên mbớh sớ m ăn ma khân ay may bãbớ đổng. ³ Hên kah gĩt dâng lể khân ay may bãbớ ngăn ta năp măt Kôranh Brah Bở bân nóm. Hên kah gĩt dâng lể nớ i khân ay may jan yor ma nau nsing khân ay may, hên kah gĩt đổng nớ i khân ay may jan rớah rắnh yor ma nau rổng khân ay may ma bu, ndrel ma nớ i khân ay may geh nau rnóm năp rkăk ma Brah Yêsu Krist i Kôranh bân.*

⁴ Ó oh nô ta nau nsing i Kôranh Brah nóm rổng, hên gĩt ngăn jêh Kôranh Brah lể kớih khân ay may,* ⁵ yorlah nôk

* 1:1 1:1: Ta nau ngới Grek geh rnha păng lah: 'Silvanus', jêng rnha bar ớ, păng bunuyh hăn ndrel Pôl ỏk ngăn (Kar 15:40). * 1:1 1:1: Kar 17:1-10

* 1:3 1:3: 1Tê 5:8; 1Kô 13:13 * 1:4 1:4: 2Tê 2:13; Êph 1:4

hên mboh nkoch nau mhe mhan ueh ma khân ay may nơh, mâu ôh dơn ma nau mboh ngơi dơn, jêng geh nau Brah, geh Brah Huêng Ueh i kloh ueh gũ ndrel, ndâp ma khân ay may geh nuih n'hâm nsing dũt nâp rkâk đōng. Nôk hên hêm gũ ndrel khân ay may nơh, khân ay may lẽ gĩt say đōng nau gũ rêh hên gay ma kơi khân ay may.* ⁶ Khân ay may lẽ jan tâng kot hên, ndrel ma lẽ jan tâng kot Kôranh Yêsu. Bol lah khân ay may geh mập ma nau jêr jốt dũt hô kadoi, khân ay may sỏ dơn nau Kôranh Brah ma nau rằm maak i tă bơh Brah Huêng Ueh i kloh ueh đōng.* ⁷ Kot ndri dâng khân ay may jêng nơm leo dâng lẽ phung nsing ta bri Masêđôn, ta bri Akhây ăn tâng jan ueh đōng. ⁸ Yorlah nau Kôranh Brah i lỏh tă bơh khân ay may nơh, mâu ôh dơn ma bu lư ta bri Masêđôn, ndrel ma ta bri Akhây dơn, lam ntũk ngãn bu lư khân ay may nsing ma Kôranh Brah. Lah ndri nau nsing khân ay may này, hên mâu hêm ôh khăch mboh nkoch.* ⁹ Ồk ngãn bunuyh ta bri i này mboh nkoch ma hên, nau i khân ay may rom hên nôk hên hãn a khân ay may nơh, nau i khân ay may mảbả lơi brah nklă, jêh ri sât ma Kôranh Brah, gay ma yok mbah ma Păng i Brah rêh mâu blao khât, Păng i Brah ngãn.* ¹⁰ Bu mboh nkoch đōng nau khân ay may hêm gũ kộp Kon Kôranh Brah nơm i mra jũr tă bơh trỏk. Păng Brah Yêsu i Kôranh Brah de lẽ jan ăn dâk rêh jêh. Păng i này rkлайh bân bơh nau tễ dôi h Kôranh Brah ta nar jât nấp tay.*

2

Nau Pôl gũ jan kar ta bon Têsalônîk

* 1:5 1:5 1Tê 2:8-12; 1Kô 2:4-5; 4:20 * 1:6 1:6-7; 1Kô 11:1 * 1:8 1:8:
Rôm 1:8 * 1:9 1:9; 1Kô 12:2 * 1:10 1:10; Tit 2:13; 1Tê 5:9-10

¹ Ó oh nô ta nau nsing, khân ay may nơm lế gít jêh, hên hăn a khân ay may nơh mâu ôh jêng đơn dam.* ² Khân ay may lế gít jêh, jêh hên đơn nau jêr jốt, nau bu rak suai hên ta bơn Philip nơh, Kôranh Brah ăn hên geh nuih n'hâm bãnh mboh nkoch nau mhe mhan ueh Păng tât ma khân ay may đổng, bol lah geh nau tâm rdâng dút hô kađôi.* ³ Hên geh nuih n'hâm bãnh, yorlah nau i hên ntũm nti nây nơh, mâu geh rlăm, mâu geh bở bớch, mâu geh mbrôh ôh.* ⁴ Kôranh Brah kọp hên di, ndri dăng Păng njũn nau jan kar mboh nkoch nau mhe mhan ueh dja ăn ma hên, jêh ri hên mboh nkoch tâng nđơ i nây đổng. Hên mâu ôh mboh nkoch gay ma bunuyh rnê, yơn ma hên mboh nkoch gay ma Kôranh Brah rnê, jêh ri Păng rlong nuih n'hâm hên đổng. ⁵ Khân ay may lế gít jêh, hên mâu prot ôh mboh ngơi lế ueh rlau keh ir, hên mâu prot đổng mboh ngơi gay ma geh sỏ đơn prak sỏ đơn đrăp nđơ bớh khân ay may. Geh Kôranh Brah i năk tơm say.* ⁶ Hên mâu đổng joi nau rnê i tă bớh bunuyh, bol lah tă bớh khân ay may, mâu lah tă bớh bunuyh êng kađôi. ⁷ Hên jêng kôranh oh mon Brah Krist geh nau đơi đă khân ay may, yơn ma hên gũ ndrel khân ay may mleh rmên ngăn, tâm ban ma mẽ mât kon bê păng nơm đổng. ⁸ Yơn ma hên geh nuih n'hâm rông ma khân ay may dút hô kớ nây, hên ũch ăn ma khân ay may mâu ôh đơn ma nau mhe mhan ueh Kôranh Brah đơm, nđập ma nau rêh hên nơm ăn ma khân ay may jât, yorlah hên rông khân ay may dút hô ngăn.

⁹ Ó oh nô ta nau nsing, khân ay may hôm kah gít nôk hên gũ ndrel khân ay may nơh, hên jan kar jۆk rơah ngăn, jan kar dăng măng dăng nar, gay ma lơi ăn khân ay may jêr kớ siăm hên, nôk hên mboh nkoch nau mhe mhan ueh

* 2:1 2:1: 1Tê 1:5 * 2:2 2:2: Kar 16:16-24 * 2:3 2:3-4: 2Kô 4:1-2 * 2:5 2:5: 2Tê 3:8

Kôranh Brah ăn ma khân ay may.* ¹⁰ Hên gũ ndrel khân ay may i bunuyh nsing ma Brah Yêsu, ma nau kloh, ma nau sông, mâu ôh geh nau ma nduih. Geh khân ay may, geh Kôranh Brah i năk tơm say hên.* ¹¹ Khân ay may lể gĩt đổng, hên lể jan ma du huê du huê khân ay may nơh tâm ban ma bở jan ma kon ngă. ¹² Hên ntrôl, ndăp ma n'hao nuih n'hâm khân ay may, jêh ri dăn khân ay may hô ngăn hôm gũ rêh tâm di đăh nau Kôranh Brah ứch. Păng kuăl khân ay may lăp gũ ta nau măt uănh Păng nơm, ndrel ma gũ ta nau chrêk lợp Păng nơm.

¹³ Kơt ndrì dăng hên lah ueh ma Kôranh Brah bảbơ ngăn, yorlah nôk hên leo nau mhe mhan ueh mboh nkoch ăn ma khân ay may nơh, khân ay may sỏ đơn ro, mâu ôh kợp nau i nây jêng nau ngơi bunuyh, khân ay may kợp nau i nây jêng nau ngơi Kôranh Brah ngăn. Di ngăn jêng nau ngơi Kôranh Brah nơm i ăn geh nuih n'hâm lơ ma ueh ma bunuyh i nsing ma Păng.* ¹⁴ O oh nô ta nau nsing, khân ay may lể jêng tâm ban ma phung êng êng i nsing ma Kôranh Brah ta bri Yuđa i phung gũ ndrel Brah Krist Yêsu, yorlah khân ay may geh nau jêr jốt tă bớh bắl mpôl khân ay may nơm jan djơh ma khân ay may, kơt phung êng êng i nsing ma Kôranh Brah ta bri Yuđa geh sỏ đơn nau jêr jốt tă bớh bắl mpôl khân păng nơm i phung Israel jan djơh ma khân păng.* ¹⁵ Phung Israel jan djơh i nây lể nkhăt lơi Kôranh Yêsu, ndrel ma lể nkhăt lơi mpôl bunuyh ntơyh nau ngơi Kôranh Brah kăl e nơh, jêh ri mproh hên đổng. Dăng lể khân păng i nây mâu ôh jan maak ma Kôranh Brah, jêh ri jêng phung tâm rdăng ma dăng lể bunuyh đổng!*

* 2:9 2:9: Kar 18:3; 2Tê 3:7-9 * 2:10 2:10-12: Rôm 12:1-2; Êph 4:1-32

* 2:13 2:13: Gal 1:11-12 * 2:14 2:14: Kar 17:4-9 * 2:15 2:15: Mat 23:37; Kar 7:52; Rôm 11:28

ueh tât ma phung i mâu di phung Israel gay ma geh nau rklaih. Khân păng jan kot nây nau tih khân păng lơ ma hô ôk tât ma di Kôranh Brah tể dôih, yơn ma nau Kôranh Brah tể dôih tât ta khân păng i nây ngăn ro.*

Nau Pôl ếch hăn ta bon Têsalônîk

¹⁷ Ở oh nô ta nau nsing, bol lah rnglay sắk bân tâm bah ngai du blát, yơn ma nuih n'hâm hóm tâm dắch đah khân ay may mro. Hên ếch ngăn gay ma say muh mắt khân ay may, yorlah hên klống khân ay may hô ngăn.* ¹⁸ Kot ndri dắng hên hô ngăn ếch hăn a khân ay may, gáp nướm Pôl i dja bar pe tở ngăn ếch hăn a khân ay may, tih ma Satắng i kôranh mpôl brah djơh nking mâu ăn hăn ôh. ¹⁹ Bơh tá nau rướm hên, nau rắm maak hên, nau rnê êng sắk* hên ta bơh nắp Brah Yêsu i Kôranh bân tât Pắng vắch tay? Tá bơh khân ay may. Ndri hên ếch hăn ta khân ay may.* ²⁰ Yor ma khân ay may hên geh nau rnê, hên geh nau rắm maak.

3

¹ Yor ma hên rvê hô ir, dắng hên hóm ếch gủ bar hê êng ta bon Athen. ² Jêh ri đắ Timôthê hăn, gay ma kơl n'hao nuih n'hâm, ndrel ma kơl ăn nau nsing khân ay may nắp rkắk ngăn. Pắng i oh hên i bunuyh jan kar Kôranh Brah mbơh nkoch nau mhe mhan ueh Brah Krist ndrel hên.* ³ Hên đắ pắng hăn gay ma lơi ôh ăn du huê bah nsing yor ma nau jêr jốt i bu jan jêr geh abơ dja. Khân ay may lể gắt jêh nau i nây, Kôranh Brah lể ăn ma bân geh nau jêr jốt kot nây.* ⁴ Nôk hên hóm gủ ndrel khân ay may nướh, hên lể mbơh jêh ma khân ay may lor: Bân mra geh nau

* 2:16 2:16: Kar 13:44-45; 14:2 * 2:17 2:17-18: 1Tê 3:10; Rôm 1:13 * 2:19 2:19: 'Nau rnê êng sắk', mâu lah 'Môk kadắch ma rnê êng sắk'. * 2:19 2:19-20: Phi 2:16; 4:1 * 3:2 3:2: Kar 16:1-3 * 3:3 3:3-4: Kar 14:22; 2Ti 3:12

jêh jõt. Jêh ri nau jêh jõt geh ngãn ro, kot khân ay may lã gít jêh. ⁵ Kot ndri gáp át mâu hôm dơi, dang gáp ăn Timôthê hãn a khân ay may gay ma gít nau nsing khân ay may. Gáp klach Satăng* ndôm khân ay may dơi, jêh ri nau rơah rgãn hên nơh jêng dơm dam. ⁶ Ấbơ dja Timôthê lã sât tât a hên dja, pãng lã mboh nkoch ma hên nau nsing khân ay may, ndrel ma nau rông khân ay may ma bu. Pãng mboh ma hên, khân ay may hô ngãn klông hên, ếch mạp hên hô ngãn, kot hên ếch mạp khân ay may đống.

⁷ Ở oh nô ta nau nsing, yor ma nau nsing khân ay may, jan ăn nuh n'hâm hên lã ueh đấp mpãn jêh, bol lah geh nau jêh jõt bu jan jêh dút hô kadoi.* ⁸ Ấbơ dja nuh n'hâm hên lã rãm ngãn yor ma lã gít khân ay may hôm gũ nập ta nau nsing ma Kôranh Yêsu kot nây. ⁹ Hên joi nau ma lah ueh Kôranh Brah mâu hôm blao lã, yor ma nơ i khân ay may hôm nsing nập rkâk jan ăn hên rãm maak ta nập mắt Kôranh Brah. ¹⁰ Dang mãng dang nar ngãn hên nsrôyh mboh sơm dẫn ma Kôranh Brah, ăn say muh mắt khân ay may, jêh ri ăn nau nsing khân ay may lã rãng ngãn, mâu hôm ôh geh ntũk mâu tống. ¹¹ Dẫn Kôranh Brah i Bở bân, ndrel ma Brah Yêsu i Kôranh bân, sơm ndrấp trong ăn hên hãn a khân ay may. ¹² Dẫn Kôranh Brah ăn khân ay may geh nau rông lơ ma ők bêng ler ngãn, ma tâm rông ndrăng nơm, ndập ma rông ma dang lã bunuyh, kot hên lã rông ma khân ay may đống.* ¹³ Dẫn Kôranh Brah ăn khân ay may geh nau nsing nập rkâk, gay ma khân ay may gũ rêh kloh ueh mâu ôh geh nau ma nduih ta nập mắt Kôranh Brah i Bở bân, tât Brah Yêsu i Kôranh bân vách ndrel phung lã rklaih!

* 3:5 3:5: Ta nau ngơi Grek lah: 'Kôranh ndôm'.

* 3:7 3:7: 2Kô 7:13

* 3:12 3:12-13: 1Tê 4:9-10; Kôl 1:10-12; 2Tê 1:10

4

Nau gũ rêh di ta Kôranh Brah

¹ Ó oh nô ta nau nsing, khân ay may lẽ sỏ dờn jêh nau ntũm nti tã bớh hên ma nau gũ rêh i Kôranh Brah ũch, jêh ri n'ho ma lẽ jan tâng kọt. Yỏn ma du tở jât hên dẫn khân ay may hô ngắn, ndrel ma ntról khân ay may yỏr ma Kôranh Yêsu, dẫn ắn khân ay may jan nđớ i này lơ ma hô ueh jât!*

² Yorlah khân ay may lẽ gít jêh moh nau hên đả khân ay may ma nau đớ i tã bớh Kôranh Yêsu đả nớh.

³ Kôranh Brah ũch khân ay may jan tâng nau ũch Pắng nỏm lẽ bớh nuih n'hâm khân ay may. Ắn khân ay may der bớh nau tâm đớng,*

⁴ jêh ri ắn khân ay may du huê du huê blao mắt njrắng sắk khân ay may nỏm* ắn tâm di bớh nắp mắt Kôranh Brah nỏm, nđắp ma ắn geh nau bu rnê hỏ.*

⁵ Lớ i ôh bok gor tắng nau khớh kler bói rnglay sắk ũch kọt phung i mắu di phung Israel i mắu gít nắ Kôranh Brah.*

⁶ Lớ i ôh ắn du huê bunuyh jan tih jan đớh nđớ i này ma oh nô phung nsing a êng, yỏrlah Kôranh Brah tẻ dỏih ma bu moh i jan tih dắng lẽ nđớ i này, kọt hên lẽ jêh mớh, lẽ jêh buay ma khân ay may nớh.*

⁷ Yorlah Kôranh Brah kuắl bắn gay ma kloh ueh, mắu ũch ôh ắn bắn jềng bớ bớch.

⁸ Nđri dắng bu moh i mắu ũch sỏ dờn nau ntũm nti i này, mắu ôh di rlắch ma bunuyh đờm, jềng rlắch ma Kôranh Brah i ắn Brah Huềng Ueh i kloh ueh Pắng nỏm ma khân ay may đớng.

⁹ Lớng nau tâm rớng ndrắng oh nô phung nsing, hên mắu ôh khắch nchih mớh ắn ma khân ay may, yỏrlah lẽ Kôranh Brah ntũm nti jêh khân ay may ắn blao tâm rớng

* 4:1 4:1: 1Tê 4:10 * 4:3 4:3: 1Kô 6:13 * 4:4 4:4: Mắu lah 'Blao gũ rêh đắh ma ur khân may nỏm'. * 4:4 4:4: Kól 3:19; 1Pê 3:7 * 4:5 4:5: 1Pê

1:14-16 * 4:6 4:6-8: Rôm 14:10-12; 1Kô 6:19-20; 2Kô 5:9-10

ndrăng khân ay may nôm,* ¹⁰ kơt khân ay may lờ rờng jêh ma oh nô phung nsing lam bri Masêdôn đờng. Ở oh nô ta nau nsing, hên ếch khân ay may ăn nau rờng khân ay may ma bu lơ ma hô ốk jât. ¹¹ Ăn khân ay may nsrôyh nsram ngắn, gũ rêh ndrel bu ta nau đấp mpăn, mần jan i ndơ khân ay may nôm hỏ, lơi mần ir ma ndơ bu, jêh ri jan kar ma siăm sắk khân ay may nôm, kơt hên lờ đả jêh ma khân ay may nôm.* ¹² Lah jan kơt nây bunuyh i mâu nsing ma Brah Yêsu rnê ma khân ay may ngắn, jêh ri khân ay may mâu ôh khắch đản bu ma kơl siăm sắk jât.*

Nau Brah Yêsu plờ vắch

¹³ Ở oh nô ta nau nsing, hên ếch ăn khân ay may gít n'hêl ma phung i lờ khắt jêh, gay ma khân ay may lơi hòm rngot ôh tâm ban ma phung abả êng i mâu geh nướm ma nau rêh n'ho ro yor ma khân pắng mâu nsing ma Brah Yêsu. ¹⁴ Bần iắt lah Brah Yêsu lờ khắt ngắn, jêh ri lờ đắk rêh ngắn đờng. Lah ndrì bần gít lah Kờanh Brah mra leo phung nsing i lờ khắt nây ăn đắk rêh gũ ndrel Pắng nướm yor ma ndơ Brah Yêsu lờ jan đờng.* ¹⁵ Gập mboh ma khân ay may tâng nau ngơi tắ boh Kờanh Brah nướm ma bần i hòm gũ rêh dja: Tắt Brah Yêsu plờ vắch bần i hòm gũ rêh dja mâu ôh hắn lor phung i lờ khắt nây.* ¹⁶ Yorlah tắ Pắng jữ boh kalơ trồk i ntũk Kờanh Brah nướm, Pắng nter đả, jêh ri nteh bở kờanh tông pắr đứt kuống, ndrel ma nteh nũng Kờanh Brah nướm. Jêh ri đắng lờ phung i nsing ma Brah Krist i lờ khắt, đắk rêh lor. ¹⁷ Jêh ri đắng Kờanh Brah n'hao bần i hòm gũ rêh hao a trồm ndờr tũk ndrel khân pắng ta nây, gay ma mập Kờanh Yêsu ta nây, ndrì bần

* 4:9 4:9: Yôh 13:34-35; Rôm 12:10; Phi 2:1-5 * 4:11 4:11: Êph 4:28; 2Tê 3:6-8 * 4:12 4:12: Kôl 4:5 * 4:14 4:14: Rôm 4:25; 1Kô 15:3-5; Rôm 8:11; Yôh 11:25 * 4:15 4:15-17: Mar 13:26-27; 1Kô 15:51-52

nkre gũ ndrel Kôranh Yêsu n'ho ro. ¹⁸ Lah ndri ăn khân ay may sỏ nau dja ma tâm n'hao nuih n'hâm ndrăng khân ay may nỏm.

5

¹ Ớ oh nô ta nau nsing, ta plăng mong nar i Kôranh Yêsu plở vách nây, hên mâu khăch ôh nchih mboh nkoch ma khân ay may,* ² yorlah khân ay may nỏm lẻ gít n'hêl jêh: Mâu gít ôh moh mong Kôranh Yêsu plở vách nây, jêng tâm ban ma bunuyh ntũng hăn ntũng ta nôk mắng mâu gít ôh moh mong.* ³ Nôk bunuyh ngoi kỏt nđa: “Lẻ geh nau đăp mpăn! Mâu ôh geh nau klach rvê!” Dỏ ma geh nau roh hêng ndal tât ma khân pắng mâu hỏm klaih ôh, tâm ban ma nau ji i bu ur ji ndũl gũ oh. ⁴ Ớ oh nô ta nau nsing, khân ay may mâu ôh jêng bunuyh gũ ta ntũk ngo i mâu gít ma nar i nây tât, ndri dắng nar i nây mâu jan ăn khân ay may ndrỏt ndal tâm ban ma nôk bunuyh ntũng lắp ntũng. ⁵ Dắng lẻ khân ay may nây jêng kon nau ang kon nar, bân mâu ôh di kon mắng kon ngo.* ⁶ Kỏt ndri ăn bân gũ rngeh njrắng sắk mro, mâu ôh jêng tâm ban ma bunuyh ảbả êng i nhũl ndrắnh hắk bẻch. ⁷ Yorlah bunuyh i hắk bẻch jêng bẻch ta nôk mắng, bunuyh i nhũl ndrắnh jêng nhũl ta nôk mắng đờng. ⁸ Ớn ma bân i kon nau ang, iắt ma bân blao mắt njrắng sắk, jan ndrỏ ueh đỏm. Ăn bân geh nau nsing geh nau rờng ma bu gay ma njrắng sắk tâm ban ma taken nsoh ao loyh ma njrắng sắk, jêh ri ăn bân geh nau rỏm nắp ta nau rklaih gay ma njrắng nau mân tâm ban ma taken ndỏ mỏk loyh ma njrắng bỏk.* ⁹ Ăn jan kỏt nây, yorlah Kôranh Brah mâu ôh ndrắp bân ma tẻ

* 5:1 5:1-4: Mat 24:42-44; Mar 13:32-37; Phi 4:5; NTM 22:20; Tit 2:13 * 5:2 5:2: Mat 24:44 * 5:5 5:5-7: Rôm 13:11-14; Êph 5:8-11 * 5:8 5:8: 1Tê 1:3; Êsa 59:17; Êph 6:10-17

dôi, Păng ndrăp ma rklaih yor ma ndr Brah Yêsu Krist i Kôranh bân lě jan.* ¹⁰ Păng lě khât jêh ma bân, gay ma ăn bân gũ rêh ndrel Păng n'ho ro, bol lah ta nôk Păng văch, bân hôm rêh kadôi, lě khât kadôi.* ¹¹ Lah ndrî ăn tâm n'hao nuih n'hâm ndrăng nôm, ăn tâm kôl ndjôt nập nau nsing ndrăng nôm, kôf ma khân ay may lě geh jan.*

Nau nkađ êng êng, ndrel ma ôp nau ueh lăng

¹² Ó oh nô ta nau nsing, hên dẫn ma khân ay may, ăn khân ay may yôk ma mpôl i jan kar ma khân ay may, jêng mpôl i leo trong khân ay may ta nau nsing, jêng mpôl i ntũm nti khân ay may nau Kôranh Yêsu.* ¹³ Kôp khân păng jêng bunuyh geh nau khlay ngă, rông ma khân păng, yor ma ndr i khân păng jan này. Ăn khân ay may gũ ngao đăp mpăn ndrăng khân ay may nôm.

¹⁴ Ó oh nô ta nau nsing, gáp ũch nkađ khân ay may, ăn khân ay may nduih ma phung i b̄lao jan kar, n'hao nuih n'hâm ma phung i geh nau nklôn rvê, kôf ma phung rdja, lơi ôh dâl ma dăng lě bunuyh đống.* ¹⁵ Ăn khân ay may njrăng, lơi ôh jan ndr djôh pơng ma ndr djôh bu. Ăn nsrôyh jan ndr ueh nâng hỏ ndrăng khân ay may nôm, ndrel ma đăh dăng lě bunuyh đống.* ¹⁶ Gũ răm maak b̄abơ,* ¹⁷ gũ mboh sơm lơi ôh rlu.* ¹⁸ Ăn lah ueh ma Kôranh Brah ta lě nau tât, yorlah Kôranh Brah ũch khân ay may i nsing ma Brah Krist Yêsu jan kôf i này. ¹⁹ Lơi ôh nking* nau jan kar Brah Huêng Ueh.* ²⁰ Lơi ôh mưch rmot

* 5:9 5:9: 1Tê 1:10 * 5:10 5:10: 1Tê 4:14; Rôm 14:8-9 * 5:11 5:11: Hêb

3:13 * 5:12 5:12-13: 1Ti 5:17; Hêb 13:17 * 5:14 5:14: Gal 6:1; 2Tê 3:11-15

* 5:15 5:15: Rôm 12:17-18; Êph 2:10; Hêb 12:14; 1Pê 3:9-12 * 5:16 5:16:

Phi 4:4 * 5:17 5:17-18: Êph 5:20; Phi 4:6; Kôl 4:2 * 5:19 5:19: Ta nau

ngoi Grek lah: 'Lơi ôh nhhôt Brah Huêng Ueh'. Geh nau khlay lah tâm rdâl

nau nking Brah Huêng Ueh đăh nau nhhôt ũnh. * 5:19 5:19: Rôm 12:11

ma nau bunuyh ntoyh nau ngơi Kôranh Brah.* ²¹ Ăn khân ay may rlong mêt uảnh dăng lẽ nau i khân păng mboh nkoch này, jêh ri ndjôt prăp moh ndr i di i ueh hõ.* ²² Ăn khân ay may der dăng lẽ ndr djơh mħĩk.

²³ Dẫn Kôranh Brah i tơm nau đăp mpăn jan ăn khân ay may ăn kloh ueh ăn lam. Jêh ri dẫn Păng măt njrăng nuĩh n'hâm, nau mân, săk jăn ăn kloh ueh mâu ôh geh nau ma nduih ta nar Brah Yêsu Krist i Kôranh bân nơm văch ta dja. ²⁴ Kôranh Brah i kuăl khân ay may này, Păng geh nuĩh n'hâm răp jăp, Păng jan nau i này tăt găn ro.

²⁵ Ố oh nô ta nau nsing, dẫn mboh sơm ăn ma hên bả.* ²⁶ Dẫn ôp nau ueh lăng dăng lẽ oh nô ta nau nsing ma nau ueh rah rơch†. ²⁷ Găp đă khân ay may ta Kôranh Yêsu rở sambũt i dja ăn ma dăng lẽ oh nô i nsing iăt. ²⁸ Dẫn Brah Yêsu Krist i Kôranh bân nơm ăn nau ueh Păng ma khân ay may.

* 5:20 5:20: 1Kô 14:29-33 * 5:21 5:21-22: Rôm 12:2; Kôl 3:10 * 5:25
5:25: Kôl 4:3-4 † 5:26 5:26: Ta nau ngơi Grek lah: 'Ma nau chũm kloh ueh'.
Bân abơ ri mâu hòm gĩt n'hêl moh geh nau khlay ma nau chũm i này.

Nau Kôranh Brah Ngơi Nau Tâm Rnglăp Mhe
Mnong, Central: Nau Kôranh Brah Ngơi Nau Tâm Rnglăp Mhe New
Testament

Copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 10 Feb 2021 from source files dated 6 Feb
2021

e066eeff-60da-5ff7-9822-f65015bcd247